

CARIDINE SYRUP 0.5mg/ml

Desloratadine 0.5mg/ml

Apakah yang ada pada risalah ini

1. Apakah kegunaan CARIDINE SYRUP
2. Bagaimana CARIDINE SYRUP berfungsi
3. Sebelum mengambil CARIDINE SYRUP
4. Cara menggunakan CARIDINE SYRUP
5. Semasa menggunakan CARIDINE SYRUP
6. Kesan-kesan sampingan
7. Cara penyimpanan dan pelupusan CARIDINE SYRUP
8. Deskripsi Produk
9. Pengilang dan Pemegang Pendaftaran Produk
10. Tarikh Kemaskini RiMUP
11. Nombor Siri

Apakah kegunaan CARIDINE SYRUP

CARIDINE SYRUP melegakan simptom rinitis alergi (radang salur hidung yang disebabkan oleh alergi [alahan], misalnya, demam alergi atau alergi terhadap tungau habuk). Antara simptom ini ialah bersin, hidung berhingus atau terasa gatal, lelangit mulut terasa gatal, dan mata yang gatal, merah-merah atau berair.

CARIDINE SYRUP juga digunakan untuk melegakan simptom urtikaria (masalah kulit yang disebabkan oleh alergi). Antara simptomnya ialah gatal-gatal dan gegata. Simptom-simptom ini dapat dilegakan sepanjang hari dan membantu anda tidur dan meneruskan kegiatan seharian anda yang biasa

Bagaimana CARIDINE SYRUP berfungsi

CARIDINE SYRUP ialah sejenis ubat antialergi yang tidak membuatkan anda mengantuk. Ubat ini dapat mengawal tindak balas alergi dan simptomnya.

Sebelum mengambil CARIDINE SYRUP

- Bila tidak boleh mengambil

Jangan ambil CARIDINE SYRUP jika anda alah (hipersensitif) terhadap desloratadine, loratadine, atau mana-mana bahan lain di dalam CARIDINE SYRUP.

CARIDINE SYRUP boleh digunakan oleh kanak-kanak yang berusia antara 1 hingga 11 tahun, remaja (12 tahun ke atas), dan orang dewasa, termasuklah warga emas

- Sebelum mula mengambil

Bincanglah dengan doktor atau pakar farmasi sebelum menggunakan CARIDINE SYRUP jika anda atau keluarga pernah mengalami sawan.

Kehamilan dan menyusukan anak dengan susu badan

Mintalah nasihat doktor atau ahli farmasi sebelum memakan apa-apa ubat semasa anda hamil dan semasa anda sedang menyusukan anak dengan susu badan.

Jika anda hamil atau sedang menyusukan anak dengan susu badan, CARIDINE SYRUP tidak disyorkan.

Masalah perubatan atau alergi:

Bincanglah tentang sebarang masalah perubatan atau alergi yang anda sedang atau pernah alami kepada doctor atau ahli farmasi anda.

- Jika mengambil ubat-ubat lain

Tidak ada saling tindak balas yang diketahui berlaku antara CARIDINE SYRUP dengan ubat - ubat lain. Beritahu doktor atau ahli farmasi jika anda sedang, baru-baru ini telah menggunakan ubat lain atau akan mengguna ubat lain.

Cara mengambil CARIDINE SYRUP

- Berapa banyak harus digunakan

Ikut arahan doktor atau ahli farmasi anda dengan teliti. Ia mungkin berbeza dari maklumat di dalam risalah ini.

Jika anda tidak memahami arahan pada label ubat anda, sila rujuk kepada doktor atau ahli farmasi.

Kanak-kanak 1 - 5 tahun : 2.5 ml (1.25 mg) CARIDINE SYRUP sekali sehari.

Kanak-kanak 6 - 11 years : 5 ml (2.5 mg) CARIDINE SYRUP sekali sehari.

Orang dewasa dan remaja (12 tahun ke atas): 10 ml (5 mg) CARIDINE SYRUP sekali sehari.

- Bila boleh mengambil

CARIDINE SYRUP boleh diminum sebelum ataupun selepas makan.

- Berapa lama perlu digunakan

Doktor akan menentukan jenis rinitis alergi yang anda hidapi dan menentukan tempoh rawatan menggunakan CARIDINE SYRUP.

- Jika terlupa menggunakan

Ambil dos yang terlepas sebaik sahaja anda teringat. Sekiranya sudah hampir masa untuk dos seterusnya, abaikan dos terlepas dan tunggu untuk mengambil dos seterusnya pada masa biasa. Jangan ambil dos berganda untuk menggantikan dos yang tertinggal.

- Jika mengguna berlebihan (terlebih dos)

Minum CARIDINE SYRUP mengikut dos yang tepat seperti yang diarahkan. Masalah serius tidak dijangka akan berlaku jika dos yang terlebih telah digunakan. Walau bagaimanapun, jika anda terminum lebih banyak CARIDINE SYRUP daripada yang

CARIDINE SYRUP 0.5mg/ml

Desloratadine 0.5mg/ml

diarahkan, hubungilah doktor atau ahli farmasi.

Semasa mengambil CARIDINE SYRUP

- Perkara yang perlu dilakukan

Sila ambil ubat ini seperti yang telah diarahkan oleh doktor anda.

Beritahu doktor dengan segera jika anda menjadi hamil ketika menggunakan ubat ini.

- Perkara yang tidak boleh dilakukan

Jangan berhenti menggunakan ubat ini kecuali diarahkan oleh doktor anda.

Jangan gunakan mana-mana ubat baru tanpa berbincang dengan doktor. Jangan berikan CARIDINE SYRUP kepada orang lain, walaupun mereka mengalami simptom atau menghidap penyakit yang sama seperti anda.

- Perkara yang perlu diberi perhatian

Pada dos yang disyorkan, CARIDINE SYRUP tidak dijangka akan membuatkan anda mengantuk atau kurang berwaspada. Walaubagaimanapun, jangan pandu kenderaan atau kendalikan jentera sehinggalah anda tahu kesan CARIDINE SYRUP terhadap anda.

Kesan-kesan sampingan

Seperti semua ubat, CARIDINE SYRUP boleh menyebabkan kesan sampingan, walaupun bukan semua orang akan mengalaminya.

Kesan sampingan yang lazim berlaku dalam kalangan kanak-kanak kurang daripada umur 2 tahun ialah cirit-birit, demam dan insomnia. Bagi orang dewasa pula, rasa lesu, mulut kering dan sakit kepala lebih kerap dilaporkan berlaku.

Kes tindak balas alergi yang teruk (sesak nafas, nafas berdehit, gatal-gatal, gegata dan bengkak) dan ruam, Palpitasi (debaran jantung yang cepat

dan tidak teratur), degupan jantung yang kencang, sawan, keresahan berserta pergerakan badan yang bertambah banyak, mengantuk, radang hati dan hasil ujian fungsi hati yang abnormal juga pernah dilaporkan, tetapi amat jarang-jarang sekali.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web npra.gov.my [Consumers → Reporting Side Effects to Medicines (ConSERF) or Vaccines (AEFI)].

Cara penyimpanan dan pelupusan CARIDINE SYRUP

- Penyimpanan

Simpan di bawah suhu 30°C. Simpan di dalam bekas asal.

Lindungi daripada cahaya. Goncang sebelum guna.

Jauhkan daripada kanak-kanak.

- Pelupusan

Jangan buang ubat ini bersama-sama air sisa atau sampah dari rumah. Tanyalah ahli farmasi tentang cara membuang ubat yang tidak diperlukan lagi. Langkah ini akan membantu memelihara alam sekitar daripada tercemar.

Deskripsi Produk

- Rupa dan warna produk CARIDINE SYRUP adalah sirup berwarna oren jernih, berperisa buah-buahan.

- Bahan-bahan kandungan

- Bahan aktif:

Desloratadine 0.5mg/ml.

- Bahan tidak aktif:

Propylene Glycol, Sorbitol 70% Solution, Citric Acid, Trisodium Citrate, Sodium Benzoate, Disodium

Edetate, FD&C Yellow 6, Gula, Perasa yang dibenarkan (Esen Pisang, Perasa Oren) dan air.

- MAL number:

MALXXXXXXXXXXAZ

Pengilang

Duopharma Manufacturing (Bangi) Sdn.Bhd.

Lot 2 & 4,

Jalan P/7, Section 13, Bangi Industrial Estate,

43650 Bandar Baru Bangi,

Selangor Darul Ehsan, Malaysia.

Pemegang Pendaftaran Produk

Duopharma Marketing Sdn.Bhd.

Lot 2, 4, 6, 8 & 10,

Jalan P/7, Section 13, Bangi Industrial Estate,

43650 Bandar Baru Bangi,

Selangor Darul Ehsan, Malaysia

Tarikh kemaskini

05/09/2020

Serial Number

NPRA (R2) 19/210